



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

III. Decreta discussa in Concilio Romano, è Leone. Sed solius Pontificis
nomine edebantur.

urn:nbn:de:hbz:466:1-15591

lentianii rescriptum, decretorum suorum per provincias mittendorum tenuisse. Quod à Leone, Hilario, Gelasio, & ceteris Pontificibus tanto robustius usurpatum fuit, quod existimarent ea convelli non posse que & sacerdotali ecclesiastica preceptione fulcirentur. Hilarius ep. 22. & regia ut Hilarius Papa loquitur in epistola sua ad Galliarum Episcopos.

& ex ordine Liberius Constantio Imperatori, qui ejus in tuendis Concilij Romani Decretis pervicacia laedebar, rescriptis in hac verba: *Nunquam mea statuta, sed apostolica ut essent semper firmata & custodita perfici, secutus ordinem morumque majorum, nihil addi episcopatu Virbis Roma, nihil minni passus sum.* Maximus ille Pontifex Leo, Leo in Decretis Tit. 1.

C A P V T I X.

Synopsis.

I. His decretis fides & disciplina constituta, & novitas exclusa. Forma antiqua Romana Ecclesia ceteris prescripta, ex Innocentio, Liberio, & Leone.

II. Lex Valentinianni asserta adversus Novatores: Que Leges condendas à Romano Pontifice pro bono disciplina statuit; ut docent Leo & Hilarius Papa.

III. Decreta discussa in Concilio Romano, è Leone. Sed sòli Pontificis nomine edebantur.

IV. Sincera Decreta colligit Dionysius Exiguus. Recepta fuere in Gallia, è Concilio Turonensi. E Codice Dionysii, dono sibi ab Adriano dabo, varia capita in Capitularium libros Carolus M. transcripsit. Et decretis parendum sancvit.

V. Quique Pontifices decreta condere possunt, ut docet Concilium Pontigenense.

VI. Quod admissum à posteris in Gallia, docent Decretalium volumina.

VII. Decretales editæ de assensu Cardinalium. Eorum auctoritas, è Damiano, Bernardo, Othono Frisingensi, Ostiensi, & Turrecremata.

VIII. Hodie corum assensus non censemur necessarii.

I. D E C R E T A quidem ista generalia non de nullius momenti rebus edebantur; sed ad constituendam canonum Nicænorum executionem, ad veteris disciplinæ mores novis penit sanciendos, & ut via præcluderetur novitati, quæ fidei sinceritatem aut disciplinæ tenorem corrumperet posset; in id præcipue incumbendo, ut Ecclesiæ Romanae norma velut ab optimo institutionum capite per omnes provincias diffunderetur. Variis in locis Innocentius hanc sententiam testatur, sed maximè in epistola ad Viðtricium Rotomagensem, his verbis: *Propter eos igitur qui vel ignorantia vel desidia non tenent ecclesiasticam disciplinam, & multa non presumenda presumunt, relè postulasi ut in illis partibus, istiusmodi quam tenet Ecclesia Romana, forma servetur. Non quo nova precepta aliqua imperentur, sed ea que per desidiam aliquorum neglecta sunt, ab omnibus observari cupiamus, qua tamen apostolica & patrum traditione sunt constituta.* Quæ verba Innocentij transcripta videntur ex epistola Siricij ad Africanos. Rectè itaque

Novella Valentia.

Hilarus ep. 11. ad Episcopos Galliar.

III. Quæ Decreta èd maturius perpensa

erant, quod non impetu quodam cœco, & nulla habita cum Concilio colloctione, sed rebus diligent & sollicito examine in Concilio Romanae Dieceſeos discussis, fermentur. Quod Leo docuit in epistola Decretali: *Quaniam adjuvante gratia Dei facti poteris provideri ut in Ecclesiis Christi nulla scandalum, nulli nascantur errores; cum coram beatissimo Petro Apostolo id semper in commune tractandum sit, ut omnia ipsius Constituta canonumque Decreta apud omnes Domini Sacerdotes inviolata permaneant.* Etsi enim solius Romani Pontificis nomen prefererent, non inde sequitur nullos adhibitos fuisse in consilium Episcopos. Sed dignitati sedis id collatum fuit, quia apud eam erat rō xūpos rerum agendarum, ut profitetur Iulius, & Synodus Romana sub Felice, iis locis qui à me relati sunt capite vi. §. 2. & 3.

I V. Sincera Summorum Pontificum Decreta in unum corpus redegit Dionysius Exiguus Abbas, qui ante annum quingeniesimum floruit, eaque Canonum Collectioni adjunxit. Auspicatur Collectionem à Siricio, ad Hormisdam, quæ ducentis & quinque articulis continetur: quibus deinde addita fuerunt Gregorij II. constituta, decem & septem capitibus comprehensa. Hoc Canonum & Decretorum Corpus apud omnes Occidentis provincias vim legis obtinuit, statim atque à Dionysio editum fuit. De Africa abunde testabitur Cresconius Africanus; qui in suo Canonum Breviario per Titulos digesto, Romanorum Pontificum à Siricio ad Gelasium Decreta laudat, distincta iisdem numeris qui habentur apud Dionysium. Quo autem cultu exciperentur ab Episcopis Gallicanis docet Concilium Turonense II. anno D L X V I I . habitum, quod de virginibus castitatem professis juxta Paulum & sententiam Innocentij Papæ decernit. qua relata, addit: *Quis sacerdotum contra Decreta talia, quæ à sede apostolica processerunt, agere presumat. Infrā: Quorum anteriorum valere possit predication, nisi quos sedes apostolica semper aut introniſt, aut apocryphos fecit, & patres nostri hoc semper custodierunt, quodeorum precepit anterioritas.* Hunc Codicem Canonum, (qui Moguntiæ excusus est anno M D X X V . deinde Parisiis anno M D C I X .) ut in Occidentalibus Ecclesiis disciplina canonica restitueretur, Hadrianus I. Carolo Magno Regi dono dedit circa annum D C C L X X V I I . Id enim declarant plurima qua, teste V. Cl. R. P. Sirmondo, in Bibliothecis Gallie visuntur Collectionis hujus exemplaria: quorum in fronte, velut oblatimuneris dedicatio, præfixa est

Hadriani ad Carolum epistola, quæ primis singulorum versuum literis hunc titulum reddit, *Domino Excell. Filio Carolo Regi Hadrianus Papa.* Vnde statim occasionem arripuit Carolus Episcopus admonendi Editio suo, ut Canonum & Decretorum executioni invigilarent: atque adeo ipsa Decretorum capita, quæ pro temporis ratione necessaria videbantur, in Capitulare Aquifranense datum anno D C C L X X X I X . ex hoc Codice transcripta. Quinimo ut palam faceret quo in loco haberentur illa Decreta, capite L V I I . docuit: *Si quis Capitula sacerdotum contra Constituta Decretalia presumptiore agat, & corrigi nolens, ab officio suo submoveatur.* Quod in Capitularium libros Cap. lib. 1. c. 11. ab Ansegiso relatum est. Ut autem apertius sententiam suam promeret, Constitutorum apostolicae sedis reverentiam sciendam putavit legi quidem sua, sed iudicem verbis quæ in Capitulis ab Hadriano Pontifice Angilrammo Episcopo Metensis datis continebantur: *Constitutiones contra Episcopum Ital. C. 39. lib. 7. C. 40. lib. 10. Canones & Decreta Presulium Romanorum, vel bonos mores, nullius sunt momenti.*

Non eandem verò apud Gallos vim obtinuerunt Decretales illæ epistolæ quæ antiquorum Pontificum Clementis & ceterorum nomine usque ad Siricum circumferuntur, quas Isidori Collectio est complexa: de quibus inter Nicolaum primum & Hincmarum non levis controversia mota est; de qua dicetur uberioris libro IIII.

V. Porro cum Hincmarus de epistolarum illarum Decretalium viribus disputaret, non ea fuit Gallorum sententia quin Pontificibus Romanis liberum esset, quemadmodum & eorum decessoribus fuerat olim, Decreta condere ad sanciendam disciplinam, cum bono publico id futurum existimarent. Quod illustri testimonio comprobare non possum quam eo canone qui decretus fuit à plenario totius Galliæ Concilio, id est, ab Episcopis & Proceribus regni à Carolo Calvo Rege Pontigo-ne coactis, ubi inter ceteros aderat Hincmarus Remiensis anno D C C L X X V I . Vt honor domino & spiritali Patri nostro Ioanni Summo Pontifici, & venerabili Univerſali Pope, ab omnibus conservetur; & que secundum sacram suum ministerium auctoritate apostolica decreverit, cum summa veneratione ab omnibus suscipiantur, & debita illi obedientia in omnibus conservetur.

V I. Quam Decretis generalibus sedis apostolicae Francorum Reges, quos secundæ Dynastiae Principes vocamus, reverentiam detulerunt, eandem in posteros Hugonis

Leo in Decret.
13.

Crescenius in Bre-
viari. Can.

Conc. Turon. II.
Can. 10.

Codex Canonum
Ecclesie Romanae.

V. Cl. Jacob.
Serm. Tom. II.
Conc. Gall. ad
annum 747.

Capitula
C. 39. lib. 7. C.
40. lib. 10.

Conc. Ponti-
ficii
C. 1.

lib. 17.